

ტექნიკური დავალება

კასპის მუნიციპალიტეტის ტერიტორიაზე, სოფელ ჩაჩუბეთთან მდინარე თეძამზე, თეძამის წყალსაცავის მშენებლობის ზონაში და მშენებლობის ზონის მიმდებარე ტერიტორიაზე არქეოლოგიური და სახელოვნებათმცოდნეობითი კვლევის ჩატარების მომსახურება (II და III ეტაპი)

1. შპს „საქართველოს მელიორაციის“ დაკვეთით, შპს „Arch-R“ ჯგუფმა 2015 წელს ჩატარა კასპის მუნიციპალიტეტის ტერიტორიაზე, სოფელ ჩაჩუბეთთან, მდინარე თეძამზე დაგეგმილი თეძამის წყალსაცავის მშენებლობის ზონაში და მშენებლობის ზონის მიმდებარედ ზედაპირული არქეოლოგიური და სახელოვნებათმცოდნეობითი კვლევის I ეტაპი (თან ერთვის).
2. ჩატარებული კვლევის თანახმად აღწერილი იქნა 8 (რვა) სავარაუდო არქეოლოგიური ობიექტი და 1 (ერთი) მიწისზედა არქიტექტურული ძეგლი, საიდანაც წყალსაცავის დატბორვის ზონაში დაფიქსირდა 7 (შვიდი) სავარაუდო არქეოლოგიური ობიექტი (განსაზღვრულია თითოეული ობიექტის GPS კოორდინატები და მოცემულია მათი აღწერა).
3. არქეოლოგიური და სახელოვნებათმცოდნეობითი კვლევის I ეტაპის შედეგებს აქვს საქართველოს კულტურული მემკვიდრეობის დაცვის ეროვნული სააგენტოს დადებითი დასკვნა, მის მიერ გაცემული რეკომენდაციებით.

1 მიმწოდებელმა უნდა უზრუნველყოს:

- 1.1. I ეტაპის კვლევით გამოვლენილი 8 (რვა) სავარაუდო არქეოლოგიური ობიექტის შემდგომი შესწავლა (II ეტაპი) - ობიექტის ხასიათის, გავრცელების არეალისა და რიგ შემთხვევაში, სტრატეგრაფიის დადგენა, საჭიროების შემთხვევაში - სრულყოფილი, სტაციონარული არქეოლოგიური კვლევის ჩატარება.
- 1.2. I ეტაპის კვლევის დროს გამოვლენილ ობიექტებზე II ეტაპის არქეოლოგიური სამუშაოების ჩატარებისას, ამ ობიექტების მიმდებარე ტერიტორიის ზედაპირული დაზვერვა, ახალი ობიექტების გამოვლენა-ფიქსაციისა და შესწავლის მიზნით.
- 1.3. არქეოლოგიური ძეგლის (ტაძრი- „იოანე ნათლისმცემლის ნიში“) სიახლოვეს მდებარე ნამოსახლარზე III ეტაპის არქეოლოგიური სამუშაოების ჩატარება - ობიექტის სრულად შესწავლა;
- 1.4. ტაძრის მიმდებარედ II ეტაპის არქეოლოგიური სამუშაოების ჩატარება;
- 1.5. შპს საქართველოს მელიორაციასა და საქართველოს კულტურული მემკვიდრეობის დაცვის ეროვნული სააგენტოში წარადგინოს კვლევის შედეგების, სრული სამეცნიერო აპარატით აღჭურვილი ილუსტრირებული ანგარიში, (ქართულ ენაზე. ელექტრონული (Autocad-ის (DWG) და PDF ფაილი) და მატერიალური (4 ეგზემპლარი) ფორმით).
- 1.6. საქართველოს კულტურული მემკვიდრეობის დაცვის ეროვნული სააგენტოს მიერ კვლევის შედეგების ხარვეზის აღმოჩენის შემთხვევაში, მიმწოდებელი ვალდებულია უზრუნველყოს მოცემული ხარვეზის გამოსწორება შემსყიდველი ორგანიზაციის მხრიდან დამატებითი დანახარჯის გარეშე;

- 1.7. შემსყიდველი ორგანიზაცია ვალდებულია ტექნდერში გამარჯვებულ ორგანიზაციას გადასცეს მის ხელთ არსებული კვლევები, კარტოგრაფიული რუკები და ტექნიკური დოკუმენტაცია, არსებული წესით.
- 1.8. მიმწოდებელი ვალდებულია ხელშეკრულების გაფორმებისთანავე, არქეოლოგიური სამუშაოების დაწყებამდე გადაიხადოს სანებართვო მოსაკრებელი არქეოლოგიური სამუშაოების ნებართვის მისაღებად 50 (ორმოცდაათი) ლარის ოდენობით, შესაბამისი დოკუმენტაციის წარდგენით და აილოს ნებართვა ხელშეკრულების გაფორმებიდან 3 (სამი) სამუშაო დღის განმავლობაში, წინააღმდეგ შემთხვევაში შემსყიდველი იტოვებს უფლებას ცალმხრივად შეწყვიტოს ხელშეკრულება.
- 1.9. მიმწოდებელი ვალდებულია გამოვლენილი არქეოლოგიური ობიექტების შესახებ აცნობოს შემსყიდველი ორგანიზაციის შესაბამის პასუხისმგებელ პირს, რომელიც შემდგომ მიღება-ჩაბარების აქტზე ხელმოწერით მიიღებს გაწეული მომსახურებას.

2. არქეოლოგიური გათხრების ჩატარების პირობები

2.1. სამუშაოების ჩატარებისას ყურადღება უნდა მიექცეს სამუშაოთა შესრულების ხარისხობრივ მაჩვენებლებს, რომელთა დაცვა სავალდებულოა კულტურული მემკვიდრეობის ძეგლის ფასეული ელემენტების შესანარჩუნებლად. მუშაობის პროცესში მიმწოდებელი ვალდებულია, სამუშაოები შეასრულოს საველე-არქეოლოგიური სამუშაოების მეთოდების სრული დაცვით;

2.2. სამუშაოთა მიმდინარეობისას გამოვლენილი არქეოლოგიური ობიექტები და არქეოლოგიური მასალა მიმწოდებელმა სათანადოდ უნდა დაიცვას დაზიანებისგან, განადგურებისა და დაკარგვისგან, ასევე გარემო პირობებისა და სხვა არასასურველი ზემოქმედებისაგან;

2.3. თუ არქეოლოგიურ სამუშაოთა მიმდინარეობისას გამოვლინდა მაღალი მატერიალური ღირებულების მქონე ნივთი (ნივთები), ამასთანავე, მეთოდოლოგიური, კლიმატური, ტექნიკური ან სხვა პირობების გამო ვერ ხერხდება მისი (მათი) დროული ამოღება და უსაფრთხო ადგილას ტრანსპორტირება, მიმწოდებელი ვალდებულია, დაუყოვნებლივ მიმართოს შინაგან საქმეთა სამინისტროს შესაბამის ტერიტორიულ ორგანოს და საქართველოს კულტურული მემკვიდრეობის დაცვის ეროვნულ სააგენტოს;

2.4. არქეოლოგიური სამუშაოების მიმდინარეობისას, ახლადგამოვლენილი გარემოებ(ებ)ით გამოწვეული ცვლილებები შეთანხმებულ უნდა იქნეს შემსყიდველთან და შემგომი მომსახურების გაწევისას იხელმძღვანელოს მოქმედი კანონმდებლობის შესაბამისად.